

---

## RADDIYA

### **Elmurod Ermatovning [www.kun.uz](http://www.kun.uz) saytining Telegram ijtimoiy tarmoqlaridagi 2020 yil 29 aprel kungi “Qo’shtepa hokimi tadbirkorni yengish uchun yana nimalar qilmoqda? Karantin vaqtidagi shoshilinch sud va hokimning noqonuniy qarori” nomli maqolasiga Farg’ona viloyati Qo’shtepa tumani hokimligining**

#### **RADDIYASI**

**www.kun.uz rasmiy saytining muxbiri Elmurod Ermatovning “Qo’shtepa hokimi tadbirkorni yengish uchun yana nimalar qilmoqda? Karantin vaqtidagi shoshilinch sud va hokimning noqonuniy qarori” nomli maqolasida** “Qo’shtepa tumani hokimi Oliy sudda yutqazganidan so’ng “Olimboy hoji” xo’jaligi rahbarini bu safar Marg’ilon tumanlararo iqtisodiy sudiga berib, fermer xo’jaligining shartnomaviy rejalarni bajarmayotgani uchun yer uchastkasining ijarasini bekor qilishni so’radi. Uning maqsadi, fermer xo’jaligining mavjud 57 gektar yerini tortib olish edi. “Olimboy hoji” fermer xo’jaligi naslli qoramollarni boqish uchun shu yerlarda yem-ozuqa yetishtirayotgan edi. Xo’jalik tuman hokimligi tomonidan 150 bosh qoramolni boqish uchun yem-ozuqa yetishtirishga yer berilmaganidan so’ng, mavjud yer maydoniga g’alla va chorva uchun ozuqa bo’ladigan ekinlar ekan. Axir nima qilsin?” deb yozadi.

**Maqoladagi holatlar asoslanmagan ma'lumotlarga tayanib, faqatgina bir tomonlama qarash bilan tayyorlangan.**

Jumladan, “Olimboy hoji” fermer xo’jaligi tomonidan chet eldan olib kelingan 99 bosh naslli qoramollar uchun chorvachilik ozuqa bazasini mustahkamlash maqsadida qo’shimcha tuman hokimining 2018 yil 2 oktyabr kungi 1446-sonli qarori bilan tumandagi “Qumtepa-Qamishtepa” MMTP massivida joylashgan tuman zahirasiidagi ball boniteti o’rtacha 43 ball bo’lgan jami 59,8 gektar, shundan 50.3 gektar ekin yeri uzoq muddatli ijara asosida ajratib berilgan.

Lekin, fermer xo’jaligi rahbari A.Qosimov tomonidan ushbu yerlarda giyox ham o’smasligi vaj qilinib, dehqonchilik qilib bo’lmasligi ta’kidlagan mazkur yer maydonlarida 2018 yilgacha ham paxta-g’alla va boshqa ekinlari yetishtirilgan bo’lib, ushbu yer maydoni sug’oriladigan yerlar hisobida turadi.

Agarda, ushbu yer maydonlari A.Qosimov tomonidan ta’kidlanganday bo’lsa hozirgi kunda ushbu yer maydonlarining 12,3 gektar qismiga boshqoli don ekilib parvarish qilayotganligi hamda 13,35 gektar qismiga sholi ekish uchun yer tayyorlanganligini qanday izoxlash mumkin.

Qo’shtepa tumani “T.Boboyev Yodgorali” MMTP hududida faoliyat olib borgan “Olimboy hoji” fermer xo’jaliga tuman hokimining 2011 yil 29 yanvar kungi 30-sonli qaroriga asosan jami 66.6 gektar, shundan 57.4 gektar yer maydoni paxta-g’allachilik yo’nalishida foydalanish uchun ajratilgan.

Mazkur yer uchastkasini uzoq muddatli ijaraga olish shartnomasi Qo’shtepa tuman yer resurslari va davlat kadastri bo’limida 10.02.2011 yil kuni 01-16/08-sonli tartib raqami bilan ro’yxatdan o’tkazilgan.

---

“Olimboy xoji” fermer xo’jaligining 40.7 gektar ekin yer maydonlariga 2020 yil 4-sonli uchun Qo’shtepa tumani hokimining 2019 yil 9 oktyabr kungi 4767-sonli qarori bilan boshqoli don ekinlari ekish rejalashtirilgan.

---

Qolgan 15,4 gektar yerga paxta ekish rejalashtirilgan bo'lsada, fermer xo'jaligi rahbari A.Qosimov tomonidan rejadagi paxta o'z vaqtida ekilmasdan o'rniga o'zboshimchalik bilan chorva xayvonlari uchun ozuqa sifatida roj ekini ekib olingan hamda davlatga g'alla sotish uchun "Farg'onadonmahsulotlari" AJ bilan kontraktatsiya shartnomasini tuzmagan.

Maqolada berilgan fotosuratlarda buzilishi ta'lab qilinganligi sifatida ko'rsatib o'tilgan boshoqli don maydoni chorva xayvonlari uchun ozuqa ekini sifatida agrotexnik talablarni bajarmagan xolda ekilgan roj maydoni bo'lib, aslida chigit ekish rejalashtirilganligi sababli maqolada ko'rsatilgan fotolavxa ushbu roj maydoniga to'g'ri kelmaydi.

Bundan tashqari, fermer xo'jaligi tomonidan oxirgi uch yil mobaynida agrotexnik tadbirlarni o'z vaqtida bajarmaganligi va yerga nisbatan mas'uliyatsizlik bilan qaraganligi sababli paxta-g'alla sotishda normativdagi kadastr bahosidan kam xosil olgan.

Fermer xo'jaligi rahbari A.Qosimovni yerdan maqsadli foydalanish to'g'risida bir necha marotaba ogoxlantirishga qaramasdan yer ijara shartnomasidagi majburiyatlarini qasddan bajarmay kelgan.

Xalq deputatlari Qo'shtepa tuman kengashining 23.10.2019 yil kungi 291/70-5-sonli qarori bilan fermer, dehqon xo'jaliklari va tomorqa yer egalari tuman kengashining 22.10.2019 yil kungi, tuman hokimligi xuzuridagi Yer berish (realizatsiya) komissiyasining 23.10.2019 yil kungi "Olimboy xoji" fermer xo'jaligi bilan tuman hokimligi o'rtasida tuzilgan yer uchastkasini uzoq muddatli ijaraga olish shartnomasini muddatidan oldin bekor qilish haqida xulosalariga asosan Qo'shtepa tumani hokimining 2020 yil 27 fevral kuni 743/1-sonli Marg'ilon tumanlararo iqtisodiy sudiga yer ijara shartnomasini bekor qilish to'g'risida da'vo ariza kiritilgan.

Shuni aloxida ta'kidlash joizki "Olimboy xoji" fermer xo'jaligi raxbari A.Qosimov sud majlisida unga qo'yilgan ayblarni tan olib, qonunlarni mensimagan holda yerdan belgilangan maqsadda foydalanmasdan kelganligi dalil isbotlar bilan o'z tasdig'ini topdi.

Shu sababli, Marg'ilon tumanlararo iqtisodiy sudining 2020 yil 31 mart kungi 4-1504-22003/201-sonli qaroriga asosan Qo'shtepa tuman hokimligi va "Olimboy xoji" fermer xo'jaligi o'rtasida 2011 yil 3 yanvar kuni tuzilib, 10.02.2011 yil kungi 01-16/08-son bilan ro'yxatdan o'tkazilgan yer uchastkasining uzoq muddatli ijaraga olish shartnomasi bekor qilingan.

Tumanda 2020 yil xosili uchun chigit ekish ishlarini o'z muddatida va sifatli yakunlash, shuningdek, belgilangan agrotexnik tadbirlarni o'z muddatida ta'minlash uchun A.Qosimovning qasddan ushbu agrotexnika tadbirlarini kechiktirish maqsadida qilayotgan apellyatsiya shikoyatini asossizligini inobatga olib, "Olimboy xoji" fermer xo'jaligi yer maydonlari tuman zaxirasiga qaytarilib, belgilangan tartibda yerlar ochiq tanlov asosida "FERGANA GLOBAL TEXTILE" ma'suliyati cheklangan jamiyatiga ajratib berilgan.

**kun.uz** muxbiri E.Ermatov masalaga faqatgina bir tomonlama yondoshib, fermer xo'jaligi rahbari A.Qosimovning tuman hokimligi bilan paxtachilik-g'allachilik yo'nalishida yer ijara shartnomasi tuzilgan yer maydonlaridan o'zining shaxsiy maydoni uchun chorva hayvonlariga ozuqa yetishmasligini baxona qilib, 57,4 gektar ekin yer maydonidan 40,7 gektariga 2020 yil g'alla hosili uchun ekin ekib olib,

---

“Fargʻonadonmaxsulotlari” AJ bilan shartnoma qilmay kelayotganligiga eʼtibor qaratmasdan kelmoqda.

**Maqolada “Olimboy xoji” fermer xoʻjaligi raxbari A.Qosimov tomonidan chorva xayvonlariga ozuqa ekinlari ekish uchun yer maydonlari yetishmasligi iddao qilinayotgan bir vaqtda ushbu fermer xoʻjaligiga tutash joylashgan oʻgʻli O.Olimov raxbarligidagi “Muxammad Umar Olimov qoramoli” chorvachilik yoʻnalishidagi fermer xoʻjaligi foydalanishidagi jami 107,07 gektar ekin yer maydonlariga toʻliq ozuqa ekinlari ekish belgilangan boʻlsada, biroq oʻzboshimchalik bilan 3,5 gektar qismiga poliz, 1,42 gektar qismiga dukkakli ekinlar ekilgan, shuningdek, 3,97 gektar qismi sababsiz ekin ekilmasdan, oʻz xoliga tashlab qoʻyilgan. Bundan koʻrinib turibdiki, chorvachilik maqsadida ajratib berilgan A.Qosimovning oilasiga tegishli boʻlgan bu fermer xoʻjaligida ham 8,9 gektar yer maydonidan maqsadsiz foydalanilmoqda. Vaholanki, bu yer maydonlariga chorva hayvonlari uchun ozuqa ekish belgilangan.**

Hozirgi kunda dunyo xamjamiyatini tashvishga solayotgan oziq-ovqat havfsizligini taʼminlash yuzasidan hukumatimiz tomonidan olib borilayotgan keng koʻlamli ishlarga zid ravishda kun.uz muxbiri E.Ermatov fermer xoʻjaligi rahbari A.Qosimov tomonidan oʻz manfaatini koʻzlab qilayotgan noqonuniy xatti-xarakatlarini yoqlab, ommaviy axborot vositalarida asossiz chiqishlar qilmoqda.

Shuningdek, maqolada tuman va viloyat maʼmuriy sudlari majlisida “Olimboy xoji” fermer xoʻjaligi rahbari A.Qosimovning noqonuniy xatti-xarakatlari uchun maʼmuriy javobgarlikka tortilib, tuman hokimligiga tuxmat qilganligi toʻliq isbotlangan.

Oliy sudga A.Qosimov oʻzini jabrlangandek koʻrsatib, unga koʻrilgan maʼmuriy jazoni bekor qilishni soʻrab murojaat qilishda davom etavergan va uning murojaati Oliy sudga Qoʻshitepa tumani hokimligi va masʼul idoralar vakillarini ogoxlantirishsiz koʻrib chiqilgan va maʼmuriy jazo bir tomonlama bekor qilingan. Fermer xoʻjaligi rahbarining aybi toʻliq isbotlanib turgan boʻlsada tuman xodimlari fermer xoʻjaligi rahbari A.Qosimovni yuqoridagilardan toʻgʻri xulosa qilib, toʻgʻri ish boshlaydi deb imkoniyat berib, tuman hokimligi tomonidan Oliy sudga qayta murojaat qilinmagan.

Shuni ham alohida taʼkidlash joizki, gʻalla halqimizni rizq-roʻzidir va ushbu yuqori unumdor yerlarni asossiz ravishda paxta-gʻallachilik yoʻnalishidan chiqarishni maqsadga muvofiq emas deb hisoblaymiz.

Hujjatlarga asoslanib biz keltirgan maʼlumotlarda koʻrinib turibdiki, fermer xoʻjaligi rahbarining aslida paxta va gʻalla uchun unumdorligi yuqori boʻlgan yer maydonini firibgarlik, tuhmatchilik yoʻli bilan chorvachilik yeriga aylantirib olish uchun qilgan harakatlari, xolos.

kun.uz muxbiri esa masalaga bir tomonlama va gʻarazli niyatda qarab, ogʻzaki maʼlumotlarga koʻra yozilgan yolgʻon maʼlumot bilan Davlat hokimiyati organlariga ishonchsizlikni orttirayotganligi, bu esa jamiyat, Davlat taraqqiyotiga jiddiy zarar yetkazishini bildirib, maqoladagi barcha asossiz tanqidiy fikrlarga raddiya bildiramiz.

**Qoʻshitepa tumani hokimligi axborot xizmati.**

---

---

2020-05-01 00:42:09